

## 申報

## 再論東洋將征臺灣事

昨論東洋興兵征伐臺灣之役，雖云吾華人聞之無不勃然駭異，此不過謂華民已耳，乃今聞不但民間奇異，即官場亦未有信息，今得傳聞之新報，莫不駭然而得此音耗也。夫此役關係重大，重師遠興，而不先為傳知，議局也，豈有斯理乎？如曰：本朝曾經允許，然許事於先，議事行於後，是兩國交接之常道也。夫臺灣，本國之屬地也，西邊一帶，皆封疆重地，而敵國何得進師，東邊在本國未封之境，而本屬已封之接壤，則我國時駐重兵以觀，豈藉備不虞者，揆時度勢，則斷斷不可疎於防範也。乃東洋不先行知會，而遽下出師之令，是既無列國相交之誼，且又失和好之心，乘勢擅行，莫出我國之度外耳。聞前昨二日本處憲司與駐此之東洋領事文書往返繁多，不知相議何如。第傳聞者尙有一端焉，見前報猶云係為報警出師也，又曰實非報警起見，僅赴該處查看而已。噫，是何言歟！聞振旅萬有五千人，而僅以查看為名乎？異哉其言之不足信也。而聞此言者，則前論另有別圖之疑，其猶不可解乎？然則該領事苟實出前言，則傳聞之有此役，實無緣無故矣。蓋前此東洋先從外務大臣之請於臺灣者，緣因被枉欲征，罪報警而已。本朝真以為顧明直曲之道，故繼許其自行征辦，是因有報警之處，而許其自行復讐耳。乃今日既謂無警圖報，則本朝前許之言固可廢矣。若茲之東洋興師逞志，經往我屬地，而張云查看者，是屬無故而來犯我疆界矣。此事也，似宜即乘電線傳聞於東朝，請其即回報以寔在情意，然後始行辦理可耳。夫東洋之棄舊求新，矜情強辯，固其國之機事，在他國亦不能與明言，至其求新而致於見嫌於已國之民，且遂起意稱兵於我大邦之屏藩，以圖輪服，而兼并為塞怨計，是所謂義外之行，非王者之師也。而該國因得西式之船，効西國兵法之靈，則觀其舉動，亦似懷縱橫恃勢之心矣。夫精器也，必得精手以用之，新法新器若不熟於行用，不如仍用已爛之舊法舊器也。東洋人其念及此理也，且不忘其己之為國，不過區區中國之為邦，巖巖廣大也，本館得出師各情，惟自西報而譯得所論者如此，亦惟藉風聞而已，且旁觀而已，抑或西字報，其或謬於傳述歟，亦未可知。而我國之操政柄者，其量力度勢，就此情形以權其輕重焉，可無疑慮也。斯天下幸甚矣。